


Мапа з часу Цезара на хторей указани подручје и виројтни
напрями рушаня Русинок



Мапа часци на хтореј видно же Аквитанију завлажи Визиготи, а Одокар, хторого спомина и Др. Лабош як краља Русинох, формовал својо краљовство. Русини ше виријатно придружели Одокарови у борби против Римјанох.



По розпадованю Одоакарового царства, Русини ше поцагую на сиверозаход, Франки завжали Аквитанию, а Одоакарово кральовство завжали Остроготи



Славяне познати як “Salvonic People” и “Slavs” ше у 5. вику “одразу” населели на простору од Балтицкого по Чарне морйю и по сиверо-восточни гранци нешкайшей Италиї.

З потераз написаного, може ше заключиц:

1. Русини, зазначени у римских часох як жителе Аквитаниї (нешкайша Французка), жили ведно з другима племенами и на ширших просторох заходней и восточней Европи
2. Гоч Русини у Аквитаниї були покорени з боку Римянох, вше гледали нагоду одупрец им ше и прето ше приключовали другим племеном у борби против Риму
3. Пре войны и неприятельства, Русини у Аквитаниї остали изоловани од других Русинох у Европи
4. Русини у Аквитаниї страцели свидомоц о своїм славянским походзеню, але зачували мено
5. У периодзе од вецей як 500 рокох, нет писаного шлїду о Русинох, цо нїяк не значи же нестали и вец ше одразу зявели на просторе од Балтику по Чарне морйю.

Заклучни розпатраня

Rutheni уж коло 200-того року пред нову еру насельовали простори нешкайшей южной Французкей хтори Римяне наволовали Галия, точнейше, жили у обласци воланей Аквитания. Тоти Rutheni, те. були Русины и Римяне их записали як Rutheni хаснуюци гласи и букви зоз латинского язика яки були найприблїжнейши тому цо чули. И у нешкайших часох, у жемох на хторих ше дакеди находзело римске царство, Русинох пишу як Ruthenoh.

Русини у Аквитанії ше одуперали римскей окупації и асимілації под хтору подпадли и други племена на тей території. Велім ше прето занавше затрацел шлїд, а Русини ше 500 роки од Цезара знова зяваю ведно зоз германским кральом Одокаром, хторого признали за свойого краля и нападали на Римске царство.

Швижи групи Русинох були приведзени з восточней Европи з боку Гунох у 5. вику хтори тиж нападали на Римске царство и по їх поразу, населюю ше у местох у южной Французкей дзе уж од давна жили їх суплеменїки. Так ше там аж по нешкайши часи зачували руски мена за дзепоедни места, гоч вироятно же историйне паметане о себе уж давно затрачене.

Русини, як и велї други у тот час не хасновали азбуку и еден час не охабяли писани шлїди о себе, прето ше у вигледованю нашей прешлосци мушиме операц на написи других з хторима Русини часто були у неприязельстве, лебо им завадзали у їх експанзії, та прето их тоти жридла часто приказую неточно и тенденциозно. Яки би интерес мали наприклад Франки велїчац и описовац Русинох? Нормално же тот хто пише историйни документи, кладзе свой народ понад других.

Ище 500 роки прешло од пораженя Гунох, док ше Русини знова не зявели у писаних документох европских народох. Факт же ше у тих записох бешедуе о Русинох як обще познатим и розширеним народзе, потвердзуе же Русини були присутни на европских просторох од давен-давна и же ше “нітка не претаргла” ище од римских часох. Кед же о нїх не було писане, не значи же их не було, але лем то же не войовали против других и же аж по сноване Русьї не змогли моци организовац ше до держави и не представляли ані силу ані опасносц о хторей би вредзело писац.